



Synfocity = 1039

mail us at : mzsynfo@gmail.com; mizoramsynod@gmail.com - Phone - 2314648

June 25, 2026

□ Lay Leaders' Training vawi 238-na

Synod Multipurpose Training Centre (SMTC) buatsaih Lay Leaders' Training vawi 238-na chu June 22-26, 2026 chhung hian neih a ni.

June 22, 2026 (Thawhtanni) zan khan training hawwna inkhawm neih a ni a, he hun hi Rev. H. Lalmuanchhana, Director-in a kaihrui a, inlawmna leh report te ngaihthlak a nih hnuah Rev. Lalsangmuana, Synod Statistician-in training hawngin thuchah a sawi a, Rev. Lalsangmuana chuan rawngbawlina chu phur tak leh hlim taka thawk turin kal khawmte sawm a ni, he hunah hian Upa H. Zarzoliana, Falkawn a zai bawk.

Tun tum training-ah hian Presbytery 13 - Kolasib, Sakawrhmuittuai, Tuichangral South, Aizawl Hmar, Aizawl Central, Dampa, Tuichang, Tuivawl, Aizawl East, Chhimchhak, Tuirini, Hmarthlang leh Aizawl Bethlel atangin Kohhran Upa 49 an tel a ni.

Kohhran Upate tana Lay Leaders' Training hi kum 1996 atang khan neih tan a ni a, training-ah hian Kohhran Upate tan Kohhran enkawl dan leh inrelbawlina lam atana pawimawh chi hrang hrang bakah Kohhran thlarau lam nun enkawl dan te zir thin a ni.

Training hi June 26, 2026 (Zirtawpni) zanah kharna inkhawm neih a ni ang a, Rev. B. Zohmangaiha, Synod Secretary-in training chhuakte hnenah Certificate hlanin thuchah a sawi ang.

Synod Multipurpose Training Centre (SMTC) hi January 12, 1996 khan din a ni a, a tira a hming chu Christian Multipurpose Training Centre tih a ni a, kum 2001 Synod Inkhawmpui chuan Synod Multipurpose Training Centre (SMTC) tiin a thlak leh a ni. SMTC hnuaiyah hian training chi hrang hrang (Vocational Training) buatsaih thin a ni bawk a, tunah hian trade chi hrang panga - Tailoring (Mipa leh Hmeichhia), Computer, Mobile repairing, Beauty Culture leh Electrical te kalpui mek a ni a, zir chhuak tawh mi 2208 awmin tunah hian zirlai 107 an awm mek a ni.

□ Mizoram Synod kutah Govt. Aizawl College Building hlan a ni

June 23, 2026 (Thawhlejni) khan Planning & Programme Implementation Department, Committee Room, Treasury Square-ah Mizoram Sawrkar-in Govt. Aizawl College Building chu Mizoram Synod kuta hlanna hun hman a ni.

Programme hi Dr. Lalrozama, Commissioner & Secretary, H&TE-in a kaihrui a, Pu Lalpanpuia, Director, H&TE-in report a pe a, Dr. Vanlalhlana, Minister, H&TE-in thu a sawi a, Mizoram Synod aiawhin Rev. V.L. Luaia Hranleh, Senior Executive Secretary leh Rev. Dr. Rosiamliana Tochwawng, Executive Secretary-ten thu an sawi a ni. In hlanna lehkhaah hian Mizoram Sawrkar aiawhin Dr. Lalrozama, Commissioner, H&TE, Pu Lalpanpuia, Director, H&TE leh Pu K. Lalhmangaihzuola, Joint Secretary, H&TE leh Mizoram Synod aiawhin Rev. John Raldosanga, Synod Moderator, Rev. B. Zohmangaiha, Synod Secretary leh Rev. V.L. Luaia Hranleh, Senior Executive Secretary ten hming an sign a ni. Govt. Aizawl College building man atan hian Sawrkarin a building hlutna a chhut chhuah Rs. 3,18,92,300.00 chu Synod hian a hlan nghal a ni.

Zosap Missionary ten an din Sikulpui leh Sikulsen chu kum 1952 khan Sawrkarah hlan a ni a. Kum rei tak Sawrkarin a enkawl hnuah May 19, 2019 khan sawrkar chuan Mizoram Synod kutah a hlan let tawh a. A ram pawh hi Synod kutah a awm tawh a ni. Aizawl College hi 1975 a din niin rei tak building hran nei lovin a awm hnuah Sikulpui ram chhungah hian sak a ni a, tunah hian Mualpuiah building thar sain an insawn mek a ni. Sikulpui ram hi Sawrkarin Synod kuta a hlan hnu chuan GAC building pawh Synod ram chhunga ding a ni ta a. Tichuan, a building hlutna chhut chhuakin Synod kutah hlan a ni ta a ni.

□ Trust

June 25, 2026 (Ningani) hian Damparengpui Pastor Quarters sak thar tur en felin Pu Lalhriatrenga, J.E leh Tv. V. Lalhlimpua, J.E te an kal.

☐ **Synod Higher Secondary School-ah Smart Class hawna neih a ni**

June 25, 2026 (Ningani) chawhma dar 9 khan Synod Higher Secondary School, Multipurpose Hall-ah Smart Classroom Pathian hnena hlanna leh hawna neih a ni a, hemi hunah hian Rev. Dr. Rosiamliana Tochwawng, Executive Secretary chu khuallian a ni.

Programme hi Pu Lalremchhunga Pachuau, Vice Principal-in a kaihruai a, Pu K. Lallianzuala, Principal-in Technical report a pe a, khuallian Rev. Dr. Rosiamliana Tochwawngin thu sawiin Pathian hnenah a hlan a, khuallian chuan khawvel mamawh chhanna Lal Isua a nih thu te, Technology thil reng reng hi tunah hian hman t̄angkai theihin alo awm ta a, a t̄angkai thei ang bera hmang tura a duhsak thu a sawi a, he hunah hian Class XII zirlai a t̄angin Trio ngaihthlak a ni bawk. Hall-a hlanna programme hman anih hnuaah Class room-ah Inauguration programme neih leh a ni.

He project 'Smart Class Room' hi kum 2013 a t̄ang daih tawha Synod Education Board hmalakna leh Synod remtihna Synod Higher Secondary Science Stream-ah t̄an a ni a. Heng Hardware leh Software te hi Next Education India Private Ltd. Company te thawh hona thuthlung siama neih a ni a. Kum 2024 khan Smart City Project a t̄angin (Trueview) pahnih, a stand leh UPS an lo dawng tawh bawk. Synod Higher Secondary School-ah hian Class Room - Secondary Section-ah 10, Higher Section-ah 12, leh Smart class room 2, a vaiin Room 24 a awm a, chung Class 24-ah chuan Interactive Flat Panel hi dah vek a ni.

☐ **KTP**

June 17, 2026 (Nilaini) khan World Blood Donor Day 2026 hman a ni a, hemi hunah hian kum 2025 chhunga thisen pe hnem lawmman sem a ni a, Central KTP aiawhin Pu Lalruatpuia, Asst. Secretary leh T.Upa C. Rohmingliana ten lawmman hi an dawng a ni. Lawmman lak te chu -

1. Religious Category-ah Pakhatna (4069 units)

2. Ram pum huapah Pahnihna (5251 units)

World Blood Donor Day Programme-ah hian Rev. Dr. K.M. Vanlalpeka, Leader Central KTP-in hunserh a hmang bawk.

☐ **Presbyterian English School (PES)**

June 25, 2026 (Ningani) hian Serchhip leh a chhehvela PES 22 te tana Teachers' Training neihpui turin Upa PC Vanlalruaia, Supervisor of Schools leh Resource Person-te, Pu Rosiamliana Ralte leh Dr. Dickson Vanlalruata te an kal.

☐ **Finance**

♦ June 26, 2026 (Zirtawpni) zan hian Sum Vawn Dan Training neihpui turin Himali Bialah thawktute, Upa R. Lalbiakdika, Pu Lalruaizela Ralte leh Tv. PC Vanlalruata te an kal ang.

♦ June 27-28, 2026 chhung hian Bungtlang South Bialah Sum Vawn Dan training leh Finance Campaign nei turin campaigner-te, Upa David Lalnunfela, Synod Office, Upa PC Vanlalrova, Upa Vanlalsawma Siakeng leh Upa C. Ramtharngaha te an kal ang.

☐ **MSSU**

♦ June 26, 2026 (Zirtawpni) hian Tanhril MZU Vengah Sunday School Zirtirtu training neihpui turin Trainer-te, Upa Lalthanchhunga leh Upa K. Zoremsanga te an kal ang.

♦ June 27, 2026 (Inrinni) hian Tlungvel Vengthar Bialah Sunday School Zirtirtu Training neihpui turin trainer-te Upa K. Vanlalngaha, Upa H. Lalnginglova leh Upa R. Vanlalruaia te an kal ang.

☐ **Social Front**

♦ June 26, 2026 (Zirtawpni) hian Darlawng Kohhranah HIV leh Ruihhlo chungchang Awareness Campaign nei turin Dr. Robert S. Halliday, Campaigner a kal ang.

♦ June 27-28, 2026 chhung hian Phullen Bialah Political Education Campaign nei turin Campaigner-te, Rev. Lalrinmawia, Rev. K. Lalrinmawia te an kal ang.

♦ June 27-28, 2026 chhung hian Ratu Bialah Ruihhlo laka invenna Awareness Campaign nei turin Campaigner-te, Rev. Dr. Lalawmpuia Hauhnar, Rev. V.L. Krosschuanmawia, leh Rev. H. Lalbiakhluna te an kal ang.

♦ June 28, 2026 (Pathianni) hian Chawnpui Kohhran Tleirawl Inkhawmah Sum leh pai inrenchem chungchang inzirtirna Campaign nei turin Rev. Dr. K. Lalchuanawma, Campaigner a kal ang.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund aṅangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Khawhnai	Damlo	3	₹ 30,000/-
2.	Melthum	Damlo	3	₹ 30,000/-
3.	Airfield Vengthar	Damlo	2	₹ 20,000/-
4.	Keiṭum	Damlo	1	₹ 10,000/-
5.	N. Lungleng	Khawsak harsa	1	₹ 10,000/-
6.	Zawngtetui	Damlo	1	₹ 10,000/-
7.	Hmunghak	Damlo	1	₹ 10,000/-
8.	Ratu Melkawn	Khawsak harsa	1	₹ 10,000/-
Belh khawm				₹ 1,30,000/-

☐ **Hruaina Eng TV Programme**

25.6.2026 (Ningani)	08:30 pm	: Thupui zir bing
26.6.2026 (Zirtawpni)	05:00 pm	: Kristian Naupang Pual
27.6.2026 (Inrinni)	05:30 pm	: Puitling Sunday School Zirlai
28.6.2026 (Pathianni)	07:00 am	: Sermon - Upa C. Rochinga, Zotlang
30.6.2026 (Thawhlehi)	06:00 pm	: Nilai zan thupui
	08:30 pm	: Kohhran Chanchin - Maubawk Sikul Veng Kohhran

☐ **FM Zoawi - Aizawl & Lunglei : Hruaina Eng Radio Programme**

June 26, 2026 (Zirtawpni) @ 7:30 p.m. :

Solo	: Dinai C. Lalruatdiki - Aw kraws
Group zai	: Vohbik - Kraws kei mi chawisangtu
Thusawi	: Upa Lalhmingmawia Sailo - Pathian a beiseina nghah
Solo	: Melody Zothansangi - Kraws ram reh
Lengkhawm zai	: Chawlhmun Kohhran - KHB 441

☐ **Moderator leh Executive Secretary-te Programme :**

Rev. John Raldosanga, Moderator Programme:

June 26, 2026	Hospital BEC
June 27-28, 2026	Kahrawt Bial
July 2, 2026	Social Front Executive Committee
July 3, 2026	Education BEC

Rev. V.L. Luaia Hranleh, Senior Executive Secretary Programme:

June 29-July 5, 2026	Zin programme nei lovin Office-ah a ṭhu ang.
----------------------	--

Rev. Dr. K. Lallawmzuala, Executive Secretary Programme:

June 26, 2026	B.Sc. Nursing zir tur interview Board
June 29, 2026	Central Kohhran Hmeichhe Committee
July 2, 2026	Social Front Executive Committee
July 5, 2026	Salem Veng Kohhran leh Kulikawn West Kohhran

Rev. Dr. Rosiamliana Tochwawng, Executive Secretary Programme:

June 26, 2026	MTC Day hmanpui
June 29, 2026	SMTC Graduation Day
June 29-July 2, 2026	NEICC Executive Committee, Shillong
July 3, 2026	Education BEC

RAWNGBAWL HNA RUAK DIL THEIH

A hnuai tarlan rawngbawl hna hrang hrangte hi Mizoram Presbyterian Kohhran hnuai a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 30.7.2026 (Ningani) a kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form hi Synod Service Board Office, Aizawl leh Synod Office, Lunglei atangin lak theih a ni ang a; Synod Service Board Office, Aizawl-ah theh luh tur a ni. Dilna form man Rs. 20/- a ni a, dilna form-ah hriat tur pawimawh tarlan a ni.

I. SYNOD HOSPITAL, DURTLANG-A THAWK TUR

1. Hna hming : Medical Record Technician (Contract), Post - 1
Thiamna : Graduate with diploma/degree in Medical Record Technology from recognised institution
Hlawh : Synod hnuai Medical Record Technician contract hlawh
2. Hna hming : Pharmacist (Contract), Post - 1
Thiamna : D.Pharm/B.Pharm. from any recognised University
Hlawh : Synod hnuai Pharmacist (contract) te hlawh

II. AIZAWL THEOLOGICAL COLLEGE-A THAWK TUR

- Hna hming : Asst. Librarian (Contract), Post - 1
Thiamna : Theological Graduate with additional degree in Library Science (Lib. Sc.) from any recognised University with working knowledge of computer
Hlawh : Synod hnuai Asst. Librarian contract hlawh

III. MIZORAM CHRISTIAN COLLEGE-A THAWK TUR

- Hna hming : 1) Asst. Professor (Mizo) (Contract), Post - 2
2) Asst. Professor (Commerce) (Contract), Post - 1
3) Asst. Professor (Pol. Science) (Contract), Post - 1
Thiamna : UGC Norms 2018-in a sawi anga thiamna neite tan
Hlawh : Synod hnuai MCC Asst. Professor (contract) hlawh

Dilna form hi ni 24. 6. 2026 (Nilaini) atangin lak theih a ni ang.

Dilna hi ni 23. 7. 2026 (Ningani) dar 2:00 p.m. thleng theh luh theih a ni ang a, hemi ni-ah hian written test thei turte hming list tarlan a ni ang.

No. I & II tana written test neih hun - Ni 24.7.2026 (Zirtawpni) Dar 11:00 a.m.

Written Test neihna hmun tur chu J.M. Lloyd Hall, Synod Office Top Floor a ni ang.

Interview hun - Ni 30.7.2026 (Ningani) Dar 10:30 a.m,

Sd/-
(Rev. V.L. Luaia Hranleh)
Secretary
Synod Service Board

HRIATTIRNA/NGENNA

Rev. Dr. Asir Ebenezer, General Secretary, NCCI hnen atangin Foreign Contribution Regulation Act (FCRA) Amendment Bill, 2026 chu Lok Sabha Session July 21 - August 21 ah hian ngaihtuah anih tur thu leh he Bill hi pass a nih lohna tura tawngtai rual tura ngenna kan dawng a. He Bill hi pawm a nih chuan Kohhran hote leh Para-Church te nasa takin a nghawng thei dawn a. He dan hi hman a nih chuan a hnuai tarlan hi a nghawng tur langsar zual a ni:

- 1) Kohhran thil neih (ram leh in) Sorkarin a chhuhsak.
- 2) Rethei te tana rawngbawlna leh vantlang tana rawngbawlna kal pui mek te tihtawp.
- 3) Zirna leh tihtam rawngbawlna - Kohhran leh Mission rawngbawlnain a kalpui mekte tihbahhlah.
- 4) Dalit leh Tribal te chungah hleilenna nasa zawk thlen tir leh hemi kawnga Kohhranin hma a lo lakna kawngah harasatna siam.
- 5) Hnam tlem zawk (minorities) tena an dikna chanvo (constitutional rights) rahbehsak leh an tana rorelna dik awm thei turte tihbosak.

Heng thil tarlante hi FCRA Amendment Bill-in a ken tel tur a nih avangin he Bill hi pass a nih lohna turin NCCI chuan June 28, 2026 (Pathianni) hi National Day of Prayer-ah a puang a. Mizoram Presbyterian Kohhran pawh NCCI-in min ngen angin June 28, 2026 (Pathianni zan) hian Kohhran inkhawmah Kohhran tinte he Bill pass a nih lohna tura tawngtai rualna hun lo hmang theuh turin kan inngen a ni.

Sd/-
Rev. B. Zohmangaiha
Secretary
Mizoram Synod

MIZORAM CHRISTIAN COLLEGE ADMISSION

Kum 2026-2027 session atan Under Graduate course hrang hrangah admission hawn a ni e :

1. Arts (English, Mizo, Political Science, Public Administration, Sociology)
2. Commerce
3. Management

Admission form hi college - website www.mizoramchristiancollege.org-ah download theih a ni ang. Hrechiang duh tan Phone No : 9612568456/7578002989/8131824304-ah te zawh fiah theih a ni e.

Sd/-
Upa Dr. Tawnenga
Principal
Mizoram Christian College

SYNOD BOOKROOM LEHKHABU CHHUAK THAR - MAY, 2026

- | | |
|--|------------------|
| 1. Ka Zalenna : <i>B. Lalhriattira</i> | Rs. 250/- |
| 2. Bei Nge Sei Run Dung : <i>B. Lalhriattira</i> | Rs. 300/- |
| 3. Thlanlung Nghengin : <i>Makhuma Hauchhum</i> | Rs. 200/- |
| 4. The Bharatiya Nyaya Sanhita - 2023 : <i>C. Lalsawmliana lehlin</i> | Rs. 400/- |